

四庫全書

集部

欽定四庫全書

蘇魏公文集卷七

宋 蘇頌 撰

律詩

送沈學士守毗陵

使君四十五專城新向鴻都得請行  
高閣和鉛人暫去秋郊驅弩吏趨迎  
蘭陵郡邑今尤盛陽羨溪山古有名  
賦政優游多樂事東園應不負飛觥

送李留後赴鎮天平

出擁朱轡就鎮雄  
須臾封國濟亭東  
干旄光動奎躔外  
閫節權并魯分中  
兩綬鵬鷹紋異繡  
半符魚虎佩兼銅  
朝廷慎重惟良選  
定有能聲愜帝衷

送朱屯田赴辟成都

贊條初罷浙江回  
辟命還從蜀道來  
朱紱聊光新幕府  
烏星重照舊行臺  
秋登危棧烟霄界  
曉望通關錦繡堆  
樂職定應能賦頌  
知君堪繼子淵才

府公端明嘗鎮餘杭復之時已在上

幕今再登舊  
府實為盛事

送黃從政宰晉江

泉山南望海之濱家樂文儒里富仁弦誦多于鄒魯俗  
綺羅不減蜀吳春懷章近輟樞廷傑製錦重紆學館人  
豈獨光榮生邑里須知美化浹甌閩

送李屯田子震赴宛丘簽判

交游情分十年餘從宦差池後會疎遠塞新歸饒意氣  
長年相遇倍勤渠登朝蚤臥郎官帳入幕還陪丞相車

咫尺淮陽曹事簡郵筒莫遣少音書

道元上人累示禪偈詩筆并諸賢賡唱見索鄙作

因成短句奉酬

釋子南宗秀囊文數見過燈分壁觀後詩學實書多摘  
句心游刃談空辯注河儒林盛推挹風勢張雲柯

次韻宋次道學士重過禮院

齋居永日坐重簾共嘆清才久滯淹詩格轉精緣大手  
風情不薄早斑髯曲臺論議于今美東觀緇緇載世兼

孤學尸官猶有賴  
繫君餘潤遠相霑

判秘閣何龍圖赴職燕集諸公同賦詩以紀出入

之盛

一去鴻都歲始旬  
職更河漢與言綸  
出為戎閫蕃宣守  
歸作儒林典頌人  
寓直重遊唐麗正  
繕書還上漢麒麟  
參陪樽俎俱時彥  
獨媿非才踵後陳

送職方赴天彭

曉鼓頻趨宣政朝  
左符還領郡封遙  
三春車馬踰邛阪

千里帷裳布漢條蚤接朋僚情欸欸舊傳詞筆氣飄飄  
西南留滯應非久可奈離襟重黯消

和丁御史出郊雩祀夕雨初霽

雩帝臨初孟涓辰用吉辛肄儀慙陋學司直接名臣出  
從籠街馭時觀避路人雨餘鮮野服雲霄變魚鱗觚陛  
牲匏潔公卿冕佩轅共期嚴薦享上副聖心純

和楊直講寒食感懷

永日輕風起暝陰傷春情緒苦難禁流連節物遊人意

悵惜時光志士心桃李新芳添遠思龍蛇遺事感悲吟  
知君退直饒歡趣每向尊前賞奏音

又和春日對酒

勸遊城闕祇踈慵偏愛君家好事風後院按歌聲不歇  
雕章得句曲方終歡來趨向諸緣息醉裏情懷萬慮空  
誰道廣文官獨冷未曾虛度一春中

再和

朱門羅綺競珊珊未必儒官偏少歡隨分管絃娛性尚



等閒唱詠過暄寒幽人棲遁心非適  
夸者經營席靡安  
一絃利名均是徇能遺斯事更為難

送韓玉汝太博出守洋州

州封繁會逼梁嶠繼世為藩盛事多  
遺德在人棠蔽芾  
舊遊經眼樹婆娑春生劒外壺漿隘  
花滿褒中駟馬過  
父老逢迎應善祝緇衣將入鄭風歌

送集賢趙少卿出守淝州

行色光輝水國春龍函畫弩蒐分銀  
瀛洲舊侶還揮袂

淮甸諸侯半望塵

兼按一路甲兵

三品新綈垂若若兩朱華轂

去麟麟誰言貴仕猶滯二紀儒林最舊人

送若訥上人歸衡州

應供何來此囊書謁紫宸清閒頻賜對止觀久談真懇  
謝蘭袍寵恩頒寶字新重還鄉寺日學侶益歸親

和林喬年學士

高閣清寒夜未暝獨持鉛筆校中經燈殘短檠人初靜  
月上虛廊戶不扃倚蓋星河簷際直玉宸鐘磬枕邊聽

歸來欲記通宵景恍若曾遊上帝庭

館西迎駕起居

一梢鳴蹕啓重關廣殿傳呼趣就班  
瑞日初臨黃蓋外紫雲先繞翠裘間  
和鸞音裏趨翔過錦繡圍中拜舞還  
共詫書林清近地形塤咫尺對天顏

送邵裔員外尉長洲

洞庭山側第新成門對湖陰水鑑明  
紫綬使君還政日綵衣仙尉拜官榮  
丘園自適親心樂桴鼓稀鳴吏局清

退食不妨晨夕養人生從宦此難并

和李子儀學士上元

傾都繁盛數宵中知是鈞天第幾重  
宮闕開筵紆警蹕綵山張樂戲魚龍  
月華高下隨燈麗春色融和入酒濃  
擬逐勝遊行樂去長年于事亦無悰

送襄州李觀察

半符雙節鎮關東漢沔從來地望雄  
帕首諸侯趨道左題襟羣彥寄邦中  
江魴鱸玉殮盤賁霜橘堆金燕豆豐

心厭紛華欣吏職當時朝議寵民功

送僧務靜還吳

琴詩清絕事靜也兩兼能技有知音許名因國士稱

館閣

諸君皆有詩贈

故山何日別歸舫待春乘却遂林泉適絃歌結

舊朋

送都官辛七丈赴治江夏

官柳春來已可攀使君旌蓋駐江干  
遠頒明詔恩優渥  
坐使環封俗阜安西塞山川餘舊迹南樓風月有清歡

幕中才雅今應盛暇日追遊興未闌

送薛宗孺通理并州

河東望族衣冠盛漢署潛郎閎閎優久擅才名宜治劇  
又分朝寄去監州民風近古藩房肅邊候無塵戍役休  
元帥正求賢者佐得君應喜助咨謀

寄題宗室世澤太博修性齋

人情安逸或驕惰君子操修有本原結宇近同閒燕處  
題顏深警聖賢言游心最樂羣書富寓目無窮百卉繁

治世右文風教洽彬彬儒雅徧宗藩

送唐安虞部趙侯

朱紱郎官領要藩西南勝處蜀江源若非閎閱才資美  
豈稱朝廷選任恩路近烟霄經棧險山如錦繡見花繁  
郡民舊染文翁化禮教風流尚可論

送石舍人得告還蜀

寤寐家山謁告還錦衣駟馬路人觀逢迎喜識詞臣貴  
行役誰言蜀道難江上田桑應不改里中牛酒欲交歡

岷峨信美毋多戀盛典方資大手刊

公近被詔總領編修禮書

又送石舍人

予告西還上寵優輝華行李照亭郵內朝簪橐虛嚴直  
故國山川想舊遊一去秋光連棧道及歸春色動皇州  
眼看景物皆清絕定有佳章到處留

送達夫同年殿丞宰吳江

嘗誇吳會土風嘉新領銅章一水涯豈為江山遊賞勝  
只貪晨夕旨甘奢魚登盤俎霜縈縷蘋滿洲汀雪吐花



舊令多才君繼美松陵賡唱未應賒

送李屯田倅丹陽

西津秋晚度歸艍新領監州建禮郎蚤伏能名動江左  
重聞謠詠入朱方部中句曲三茅阜境上吳門二陸鄉  
官近仙都家在望錦衣此日倍輝光

楊君寵示嘉篇次韻奉和

江湖一別歲經旬攜手重遊上苑春華髮滿頭猶未仕  
少年得意果何人利名機淺貧奚恤道義交深老益親

清世懷文終有用窮途寧久困無津

送冀州向團練

河外諸藩衛帝居美君家世領魚書舊傳將略名尤重  
却過親庭慶有餘使節頻煩民未息邊庭清晏候仍虛  
惟宣聖主威懷德長使天聲布斗墟

送儀州李太保丈

持節出西閨腰章入舊秦家傳虎韜術朝有象賢人閣  
閉關山月帷寨渭水春虜塵今向息正是雅歌辰

同呂縉叔諸君寄懷希用師

方袍為佛者學術以儒兼跡慕山林逸心從典籍潛白  
雲中寄趣浮世外安恬遐想觀書室焚香正下簾

送祖擇之少卿學士出疆

四方專對昔難人今輟文章侍從臣萬里光華宣使指  
百年恩信浹殊隣出關飛蓋塵生路度漠輕車雪擁輪  
少別書林還隔歲歸來期宴曲江春

送王廣淵司門出守絳州

仕官人言為郡樂名藩古有絳臺雄居園幽絕刻樊記  
分國盛強歌晉風歷覽勝遊千騎上坐頒仁政兩河中  
當年誰似高門慶五守同時閒望隆

送句都官倅建陽

玉嶺名都古越疆監州今用上臺郎溪山絕勝神仙宅  
絃誦相聞禮義鄉龍焙槍旗爭早晚刺桐花葉候災穰  
朝廷恤遠頻頒詔更倚賢能慰一方

送句湛太博通守汝陰

天漢南通賴水清新恩監郡赴官榮數舟旗鼓家人喜  
兩岸壺漿父老迎暫試吏能收治績蚤聞時譽伏朝纓  
十年京國同遊者何日如君補外行

和陳和叔秋寒

夕雨初開霽晨霜已結寒增裘肌怯重對酒面生丹急  
節驚收潦歸心念採蘭昕趨更清栗委佩綴公桓

又和蔡子直

官局誠俱冷交盟信不寒風霜兩鬢白冰蘖一心丹未

剖方州竹猶薰畫省蘭北宮陪論定應似漢丁桓

章帝詔丁

鴻與桓郁等于白虎  
觀論定五經同異

又自和

一入石渠署八逢霜樹寒任譏書尚白不廢研磨丹騎  
省愁看鬢騷人興佩蘭壯年幾已過遊樂謝曹桓

即席分得秋字送張吉老學士移使京西

賜對中樞喜暫留駐旌聊復到蓬丘朋遊少別三周歲  
尊酒相逢半白頭頻拜恩光龍鑄節屢宣風力隼橫秋

二邦已見澄清效更盡寬平緩主憂

和陳彥升學士九月校書懷舊之作

京國重陽冊府家正披墳史獵菁華思飄昔日龍山帽

阻看殘秋上苑花

近罷東園賜宴

悵惜歲華霜染鬢滯留歸思

角生車自憐高閣窮年業青簡刊讎未有涯

送張中正先生歸廬陵

白首師儒學愈專未應褐博慕纓鮮離羣舊友青雲上  
負笈諸生絳帳前京洛風塵銷客袂江湖春色趁歸船

飄然無復羈名累道信鄉閭足謂賢

二月晦日過范景仁舍人留飲聯句分夜而歸

聞道星軺稅鞅  
蹤朋遊相繼  
歛齋扉正當春  
霽園英富  
况值時清諫疏  
稀共喜開顏論  
雅舊須留持酒  
玩芳菲  
屬酬新句尤歡  
縱不限嚴更未  
許歸

和宣甫叔讀白傳丁相詩集

二公清尚固難偕  
遷謫襟懷亦洞開  
得志已觀邪與正  
寓言寧校福兼災  
恬然委順誠高識  
展矣文華信雅才



珍重佳篇堪繼美詠歌中遣待時來

次韻和丹陽裴如晦學士寄示與蔡子直陳述古

唱酬五篇

登瀛忝繼唐詞客補郡仍陪漢望郎政事將何攀邵杜  
聲名空貴躡王楊

三賢領劇緣才選拙者求閒屬倦飛幸得汝陰當僻左

無能尸祿衆應譏

二篇自記得繼  
三君之出處

紞鼓吳門徹曙開郡人還喜鄧侯來政成歲稔庭無訟

誰伴南園舉宴杯

上子直

當年二邑絃歌洽所幸諸生登蹻隨此日毗陵流美化

風流應似贊皇時

李贊皇栖筠治毗陵首建庠序自此歲貢孝秀為得人今述古臨郡亦留

意學校故以此議上述古

惠愛昔曾留二泚能聲行復表三河更傳騷雅聯編富

可是江山助思多

上如晦

次韻刁景純學士將至郡見寄

偃伏聲名三十年當時倫輩有誰前曾隨貢籍逢標鑒

更向詞林接俊躔上館久違牽夢寐歸舟將至想神仙  
襟懷曠達應如舊遲對清尊一問焉

和梁簽判潁州西湖十三題

涵春圃

桃李陰陰一水涯因人封殖更繁華湖光凝碧花飄錦  
春物惟應此地嘉

射堂

射者如仁求審固美哉成室序朋儔今時賓禮存無幾

捨矢猶堪一獻酬

碧瀾堂

北渚清冷十頃波  
偶來憑檻意如何  
且觀秋水蒙莊論  
休聽滄浪漁父歌

野翠堂

郊原西與莽蒼連  
隔岸人家小徑穿  
滿目風光杳無際  
柳如山色草如烟

西湖

金匱山經  
卷七  
椒擇疎源勢不休繞城冰玉湛寒流鳧鷖容與菰蒲亂  
占得江湖一望秋

飛蓋橋

朱橋矗矗兩園間湖水平時柳可攀車馬等閒湖上去  
遊人常踏月中還

臨勝閣

近郭溪流一衣帶中流鳧嶼小蓬萊西園勝事憑高盡  
到者踟躕不忍迴

清風亭

廣寒宮殿誠誇誕消暑樓臺久寂寥未似虛亭面空闊  
時時清籟濯煩歎

擷芳亭

春來何處最花繁湖水西頭百畝園無限遊人折紅藥  
可憐桃李自無言

四望亭

高亭春望思無窮千里人煙指顧中比屋如雲濃被野

頤頤醇俗樂時豐

去思堂

丞相臨人以惠和三年鄉校起絃歌至今旌旆曾遊處  
猶道當時樂事多

西溪

夾岸垂楊展綠陰倚空庭樹照波心遊人不泛西溪水  
豈見回環野徑深

女郎臺

荒臺孤映拂晴霓曾是諸侯築館基一郡人誇最高處  
年年長作會春期



蘇魏公文集卷七

欽定四庫全書

蘇魏公文集卷八

宋 蘇頌 撰

律詩

送祖印忠師南歸

擾擾京華客營營不自閒胡為丘壑者亦到市朝間孤  
月無留影歸雲靡定山東南清勝處羨子一舟還

和朱純臣兵部上巳錫宴

故事脩春禊恩筵啓鳳林風光來莽蒼和氣動幽沈六  
豆分肴貴千鍾酌醴深執蘭遊洧水忘味聽韶音鳧藻  
羣官意雲天上帝心叨陪宴滑名非服愧華簪

又和內院海棠

華萼相輝采翠重幾番濃豔九春中根盤省闥偏含潤  
影拂隣牆暗逐風繁若百枝然寶炷深于三入染纁紅  
諸君賞咏時連屬珍重多才好事同

次韻程公闢暮春

日日尋春春欲還  
園林遊興未應闌  
間關鶯囀衝牙韻  
爛漫花開歷綠團  
須信馬蹄隨處健  
肯教金盞暫時乾  
休驚節物頻更換  
適意歡娛定一般

再和暮春

黃鸝初囀燕新還  
林館清虛景未闌  
爰撥金膏傾鵬脚  
封開綠絹試春團  
條風吹笋苞猶嫩  
穀雨催花色漸乾  
若待休閒頻燕集  
牽拘人事恐多般

再和

十分春色九分殘計日追遊至夜闌月照餘花光燭燭  
露垂新葉影團團平焙萱背尤宜厚汲引荷池莫放  
乾看即熏風催暑景要須佳玩兩三般

再和入省宿

雕龍辭辨幹時才重贊甘泉屈壯懷被擁綾香歸漢直  
食葷忘茹似顏齋公開多素膳仍好詩休嗟簿領書堆案況是鴻  
鸞序漸階公論共推資望久春雲高步信難排

和北軒薛荔

分得巖枝帶蘚文  
壁間延蔓密含春

元韻私稱不便借上字用

搖風

似展垂雲翼和雨疑騫化  
浪鱗寒對竹軒陵霰雪靜陪  
犀柄辟埃塵省闈不比山河遠  
休擬靈均詠若人

和清明後一日遊西池

萬家供帳集西明  
綵艦芳林酒屢行  
強對鶯花無奈老  
時聞歌吹不勝情  
輪囷佳氣城頭近  
倏嗅清風語下生  
休沐儻閒須數往  
水邊庭際解朝纓

行次塘堤

卷八  
森森寒流千里餘帶城襟壘似江湖侯王設險古未有  
夷狄窺邊今遂無數郡營屯歸耒耨萬家生聚利菰蒲  
長堤不絕才如綫南北衝衝是坦途

登雄州城樓

三關相直斷華戎燕薊山川一望中斥堠人間風馬逸  
朝廷恩廣使輶通歲頒金絮非無策利盡耕桑豈有窮  
自古和親諂儒者可憐漢將亦何功

接伴北使至樂壽寄高陽安撫吳仲庶待制

道路傳聞北守賢就中清尚是河間轅門臥鼓軍無警  
幕府賡歌筆不閒只合論思居禁闥豈宜留滯在邊關  
寧容舊客升堂室擬請新篇滿篋還

和吳仲庶待制見寄

幾日風沙結襟袖忽傳嘉惠眼重開交情不改乘車約  
和氣先隨揆藻來元帥本由詩禮選人愧匪語言才  
相逢且喜論平素若校文章未易陪

冬至日瓦橋與李紱少卿會飲



使傳驅馳同被命邊城迢遞偶相從風霜正急偏催老  
歲月如流又過冬方念去家千里遠無辭沈醉十分濃  
須知此會洵堪喜北上河橋便寡悰

和王臨謝寄蜀牋雙井茶

鈴閣優閒斷句新客亭傳誦慰馳神誠知擷露敲冰陋  
豈敵揮毫挾藻春固乏瓊瑶酬錯寶多慚魚目換驪珍  
近來聞道談機迅更恐難當彼上人

來書云近于真如  
妙用不敢多謝故

答以此

和李少卿寄吳仲庶

延閣儒臣出撫邊，指縱沙磧坐揮鞭。歌謠早已留南楚，

唱和今還到北燕。

皇華詩皆是與使僚諸君廣和

使客過從車結轍，耕

夫安佚土開阡。更將佳句刊齋壁，留作河間故事傳。

和吳仲庶寄李子儀

五紀修戎好重關，四向開村郊縱牛馬戰。地長蒿萊過

客朝連暮，征軺去復回。元侯勤主禮，一一倒瓶罍。

和李子儀寄吳仲庶

並馳絕塞待燕隣喜過重關值故人闊別經年勞遠夢  
留連此日奉清塵威行列郡連營肅恩浹諸戎異域春  
願學子雲承漢詔未央宮壁頌功臣

和李子儀瀛州借馬寄安撫待制

塞草黃明畜牧肥外閑千駟氣增威權奇毛骨森相映  
腰褭精神動若飛暫借行人持玉節屢陪方伯展朱旂  
料君早晚趨嚴召安穩乘歸從六駢

和北遊

銜命初開朔土游故人威重肯回眸旌旗在列千餘騎  
祭戟遙臨十一州令尹投兵方秉羽羊公臨塞但輕裘  
諸賢酬唱無閒日卷軸今應束兩牛

李白詩云詩裁兩牛腰言其卷大如

牛腰耳

和吳仲庶龍圖寄德仁致政比部二首

道骨仙風擅世華肯將璫玉混泥沙潛郎未老辭朝路  
傲吏歸來學道家逸似予荆將漱石清如中散本餐霞  
應思平日市朝客疆鑠拘攣正可嗟

再和

勸遊城闕厭紛華一棹南歸出白沙簪紱棄來如釋負  
山林到處便為家流泉繞舍鏘金玉仙餌盈槃泛露霞  
珍重宗英嘉隱操遠裁清句重咨嗟

某忝被給札之召伏蒙景純學士文丈寵示嘉篇  
且述早歲先人試職之日嘗亦相遇于政府感  
愴不已輒次高韻

先友勤渠慶得時相逢仍在右垣扉負山徒荷君恩重

起草多慙筆力微  
早歲應門叨賞識  
幾年聯轡接音徽  
雕章華藻褒賁知  
我從今不患稀

景純學士丈丈再錄  
早年見慶嘉篇重用  
前韻奉和

載世交遊共一時  
立朝幾見盛門扉  
官班早合登青瑣  
星象俄聞返少微  
曾向瀛仙陪雅集  
更同綿絕講鴻徽  
江干千里勞魂夢  
常恨平安信息稀

與次道集賢諫議元  
素翰林赴冲卿樞密  
諫議見

招宴會同賦

江淮罷郡許歸朝  
臺閣重來鬢漸凋  
內禁羣英容接武  
西樞元弼記嘗僚  
當年已絕坐中禮  
此日猶蒙客右招  
衰病無堪還自慰  
交游相繼上層霄

用諸公本韻各和一篇共三首

早陪鸛鷺侍丹闈  
旋見夔龍陟近司  
西閣屢觀新詔草  
東曹猶記舊文移  
半途霄壤成分異  
幾歲江湖役夢思  
席面故人皆顯重  
可憐顏尉獨鴈眉

右用冲卿樞密諫議本韻

二紀書林得並遷外沈俱喜在樽前非才幸復登羣正  
大筆猶稽直五輒欣聽友聲同伐木坦忘情類似虛船

白頭光景尤須惜樂事相逢且豁然

右用次道集  
賢諫議本韻

繼踵螭堦入右垣曾參何敢望淵騫

某向忝右史陞西  
掖皆承元素舊綴

唐人論曾參以後至  
故不得預十子之列

複門重慶登庸命樞閣仍陪話舊

筵貴賤交情都不改始終風節固難遷公卿平日推高

譽朝論今誰過鄧先

右用元素提  
舉內翰本韻

寄題傅欽之學士濟源草堂



大形南址直河津君有茅廬沛水濱蒼翠入簷藏絕景  
潺湲繞舍隔囂塵久遊臺閣忘聲利長憶漁樵狎隱淪  
待得功成年至日歸來不負故園春

寄題蒲傳正學士清風閣

閣倚青山書滿堂門齊通德里高陽傳家載世惟清白  
教子何人似義方班嗣一丘雖道卷劉商七業已名彰  
他年駟馬充閭貴須信文儒澤施長

寄繹經清衍大師

輦寺棲遲不計年  
衡門無異對林泉  
試闡給筆頻辭命  
繹館翻經屢奏篇  
九陌塵埃方外境  
六時香火靜中緣  
思陪大室談名理  
自愧常為俗累牽

送王彥祖學士守毗陵

黃州終始宋名臣  
載世逢時見裔孫  
賜第中宸躋甲等  
遷官京寺出殊恩  
文章已復光儒館  
風節應須繼祖門  
堅請麾符知有意  
聊將慈惠振元元

彥祖皇祐中擢進士日仁宗皇帝以

名臣之後特陞甲科其後考課當陞評祝中旨復令優遷

和王察院竹籊巷阻風七言

聞道扁舟下迅湍，怒濤驚浪擁前灘。  
人隔過從意少歡，風信未回聊對景。  
君才一日能千里，直上青雲亦未難。

冬夕會諸同僚與稅舍弟郡齋飲話通判歐郎中  
以二絕句紀事見寄次韻

弟兄叨郡兩淮間，賓友銜盃午夜歡。  
更欽風義敵霜寒。

立朝才薄幸潛郎出守恩優便養堂賴得同僚借河潤  
坐令尸祿荷龍光

次韻蔣穎叔游西湖入南屏山

樓臺高下滿仙風疑是蓬萊象帝宮湖面涵虛雲漾漾  
山腰藏景石瓏瓏松筠影出紅塵外鍾梵聲來碧落中  
薄暮將歸起餘思落霞飛鷺正橫空

寄題吳興墨妙亭

漢唐遺刻在江干石史殷勤輯隆殘剔去蘚文人乍識

傳來墨本字猶完六書體法從茲辨二費聲光遂不刊  
何必臨池苦縈思燕閒時得坐隅觀

和歐陽永叔少師會老唱和詩三首

得時行道貴知終猛退如公世罕逢擲棄浮名同敝屣  
保全高節似寒松文章千古追謨誥勲業三朝鏤鼎鐘  
見說新堂頻燕會故時賓客定相容

公嘗見約異時賴上相尋某亦有意

乞塵以  
依舊館

右寄汝陰少師

富貴功名已兩忘，望高嵩華量。包湘還家傲，似蒙莊子。  
定策忠于漢，霍光遠訪交。親情益重，共論詩酒興偏長。  
園亭繼日休車馬，却悔多年滯廟堂。

右和南都趙少師

出守嘗希阮仲容，剖符仍繼夏侯公。

漢剖符封滕公為汝陰侯

金華

舊侶三賢並綠野，先歸二老同宴會。莫如今日盛唱酬，

還有古人風。自嗟流落江湖外，不得尊前聽燕鴻。

故相臨淄

公守潁日有燕鴻等歌詞五闕

右和汝陰侍讀

送丁郎中守江州

南朝兵馬臨江鎮聖世麾符守土臣此日風聲動湓浦

早年名譽浹淮隣

君前此  
倅齊安

琵琶昔有天涯曲鱗艫今無

境外人退食優游多勝賞盃觴不負庾樓春

次韻葛大卿題江氏寒光閣

溪凝藍黛合雙川閣在千巖萬壑前漱石我思清病齒

倚琴誰共聽流泉雲生北嶺橫空白春入東郊一望鮮

況是江南風物好待君重詠四時天

次韻柳郎中二詠


蒲條圍坐雪添瓶側理糊窗熾炭明常對圖書堆四壁  
却思裘褐勝雙旌道心生後安休息事局閒來怕踐更  
睡足定應輸杜守窮愁何必學虞卿

地爐

百幅敲冰密屬連寢甘誰復誚便便心閒好隱忘言几  
官冷宜鋪坐客氈烏布任寬忘道韻絳紗徒侈怯霜天  
休嗟拋擲縑綾貴據榻猶勝枕杜眠

紙帳





蘇魏公文集卷八

欽定四庫全書

集部

蘇魏公文集卷九至十一

詳校官庶吉士臣朱理

檢討臣何思鈞覆勘

總校官進士臣朱鈐

校對官編修臣盧遂

謄錄監生臣施華

欽定四庫全書

蘇魏公文集卷九

宋 蘇頌 撰

律詩

次韻林次中察院經過南都見寄

都府曾為入幕賓，王符重忝守藩臣。  
幾年流落甘閒散，平日交遊半要津。  
簿領沈迷千慮耗，鬢頤衰颯二毛新。  
聖恩休養深知幸，厚祿華堂許使親。

次韻次中寄莘老學士

曾見臺烏朝夕飛，尚稽雙鳳浴天池。遠方隨牒應難久。

同好彈冠即有期。佐幕暫來光右席。

莘老屈佐留幕

還家聊去

植芳籬。

次中還吳葺居

睢陽老尹欽才望，待看同升贊盛時。

又和次中答莘老見招

近甸無辭暫駐車，吳門雖好隔重湖。且嘗竹苑迎霜兔，  
休憶松江上釣鱸。老見交朋尤眷戀，醉吟風月好躊躇。  
廣陵喜得賢賓客，簪履光華勝璫珠。

次韻久雨言懷

久雨涔澣浹圻層雲晦曖壓城低沈灰將恐鼃生竈

負土深防蟻漏堤

汴流泛漲  
府官防河

避冷竹牕烘炭獸

今歲早  
寒九月

攤

爐禱晴琳館抗旌霓知君方欲行千里早晚殘霞却照

西

次韻奉和次中叙別

嘉句連篇惠好音媿無瓊玉報南金幾年漂泊離羣恨  
此日逢迎話舊心氣類自應憐茂悅世情誰復擬高深

且將懷抱還尊酒莫為思歸動越吟

次韻劉莘老學士惜別言懷兼呈次中察院二首

梁園寒早雪霏微親友將分一棹歸客舍蕭條風送柳  
離筵淒慘酒霑衣霜臺二妙君相繼幕府三端我所依  
況是汴渠今不涸留連猶得奉音徽

再和

詩侶方逢夢與微

白公書呼元劉為夢微蓋相親之厚

攄懷未盡遽言歸

正思玉鱸將登俎應笑緇塵又染衣金石交情知不改

輔車形體自相依何時得遂江湖樂薄宦牽羈甚縲紲

次韻蔡資政荅朱寺丞惠千葉桃花菊

分得穠華質依然苦蕒香繁紅如上苑

京師近多紅菊即此類也密

藥勝南陽不用尋根葉須留過雪霜殷勤送東閣聊薦  
百年觴

送洞霄宮王文玉學士歸吳

仙都補吏向天涯歸棹南遊事事嘉冬課洞庭千戶橘  
春嘗石縫一槍茶蓬山厭直拋鉛摘公府傷離念棣華

二紀編酬老朋伴何時相逐訪烟霞

林次中示及追和浙西三賢述夢詩其間叙衛公  
事幾盡輒拾其遺逸再次前韻

曾覽三賢述吟哦日幾遭文章追李杜贈答擬劉曹二  
相逢辰早中山擅價高才華固相若光燄實難韜智決  
推安邑超騰自髣髴武謀家府秘晉祝史君褒任重函  
牛鼎投虛剗兕刀內庭纔視草同列便棲毫夷夏欣寧  
謚揄揚頌戢橐臺烏棲直舍廐馬借拳毛對數開宣室



忠逾諫館陶絲綸長慶制奴僕楚人騷雙節分千騎滄  
波看六鼇帶垂金錯落服賜錦葡萄憂國常箴衮延賓  
罕置醪韋平門素貴周邵職奚叨在鎮民除瘼還朝雨  
潤膏星霜恩感舊休沐事忘勞去蠹過螽蟥防仇甚獬  
獬躬仍主戎索手不釋書條相以父年入權因主眷操  
神鋒雖爽爽靈府亦忉忉烏嶺無遺鏃維城獨贈袍風  
波消橫議枳棘奈羣豪既悟方城語何由別墅邊間言  
多斐貝閒地少蹊桃世路山川險愁腸永炭爇雨朝空

獻替萬里孰呼號都為尤權勢終令觸怒濤災屯疑是  
馬朋敵目為牢伊昔來江海頻年泛棹篙再違文石陞  
三擁浙西旄夢覺魂應斷詩成首重搔緘封寄僚友往  
復走輶舫殘漏傳軍柝新流漲郡濠所懷存北闕有志  
念東臯豈謂投荒裔從茲解褫綬平泉遂榛莽甘露漸  
藜蒿像寄浮屠宇香焚過客艘依然見塵迹流恨水滔  
滔

留臺蔡資政見示嘉章且有花時之約忽蒙除代

恨阻親依因抒鄙懷仍依元韻

清羸躬現疾出處道還周當軸諧人望謀邊緩主憂莊  
環聊造適伊鼎待烹羞見約高齋會將行尚少留

和府推官冬菊

經冬寒菊已離披梁苑殘英尚滿墀尊酒還思元亮醉  
秋香又過子愚期尋芳意思人尤厚耐冷枝條土所宜  
睢陽土最宜菊墨客有誰偏好事留將樂府著新辭

七言二首奉答簽判學士

兩篇華藻敵南金辱贈應憐舊賞音平日所知誰莫逆  
老年于事已無心雲霄路在看君上詩酒盟寒且共尋  
屈指當時文學士誰知揚子思湛深

常愛君房言語妙仍欽叔度德名高受釐宣室行膺召  
置酒梁園喜譽髦辯博方親談袞袞別離俄起恨勞勞  
臨歧更辱殷勤句哀拙何勝異日褒

解秩西還夕次葛驛二通判與簽判學士留府諸  
君遠出餞別情至禮勤輒成拙詩奉謝厚意

遠行車馬出西城風義相高一府傾留幕經年叨主諾  
郵亭終夕困飛觥人烟數舍將歸路霜月三冬愴別情  
政拙自慙無惠愛尚憑河潤慰羣氓

七言送林次中南歸

何事頻思江海間清時美彥未應閒襟懷舊貯縱橫術  
獻納嘗開咫尺顏吏隱尚勞趨幕府郊居母苦戀家山  
尊鱸正熟雖堪愛羔雁相催又北還

和次中雙廟感事

天寶黎民困賊庭杞城睢社勢相形四公百戰期殲虜  
數載重圍不啓扃當日捐軀全土境至今遺貌載丹青  
行人安得侵松檟樵採從來禁有刑

某忝命守餘杭楊元素內翰泊兩禁諸公出祖佛  
寺席上探韻賦詩以寵其行某亦分得留字

時李

承之待制  
帥延安

內閣臨邊貴鑾坡主席優賦詩嘉趙孟載酒餞韓侯何  
幸江城守容陪禁序游烟霄慙久隔聲氣荷相求笑語

隨春煦歡酣永日留百分傳醖竿五熟薦包羞西望千  
兵盛東歸雨漿浮感時嗟老病去國動離憂遂別青雲  
友重為滄海州應憐舊簪履猶着故巾褱衮字榮褒寵  
瓊裾之報投惟將誇遠俗歌咏入吳謳

次韻奉酬簽判呂殿丞燕集西湖

江海為藩地絕塵湖山尋勝坐邀賓消除袪暑忘三伏  
追憶曾遊隔五春極望林巒橫紫翠旋供肴核剥青皴  
常時欲到喧囂阻偶得相陪似宿因

王沂公喜延賓客  
嘗與一道人清話

甚久公曰平居嘗苦少暇今得相陪終日無事亦似宿昔因緣耳

走筆奉酬簽判殿丞遊思上人院

坐閤何時得少休  
羨君乘興喜尋幽  
每逢幕府文書簡  
便作湖山佛寺遊  
巖畔揮毫傳麗句  
林間炊黍飫香羞  
會須偷撥閒忙日  
更上高軒看碧流

次韻奉酬通判姚郎中宴望湖樓過昭慶院暮歸  
偶作

山半樓臺遠曲堤  
水風當夏却炎威  
常思徧覽前朝迹



自恨勞生暇日稀偶到上方憑檻久恍如員嶠躡雲飛  
白蓮舊社空遺址有幾人從此路歸

再次前韻

歸然華屋四開扉經構初憑佛大威

元名看經樓

最是一州

孤絕處不因嘉客到應稀凌虛自覺雲梯近銷暑聊將  
玉盞飛人士莫嗟山簡醉猶能倒著接羅歸

再酬三次前韻

千里江山昔霸基百年文物愴皇威閭閻櫛比于今盛

塔寺鱗差自古稀  
極目烟霞時顯晦  
忘情魚鳥自潛飛  
何須遠慕嵩居者  
乘興還來興盡歸

和簽判早秋見寄

滄海西垠淞水頭  
人生不到負吳謳  
剖符何幸來都會  
坐閣俄驚陟夏秋  
每按吏條慙漢詔  
未豐民食念箕疇  
所欣幕府多才彥  
樽俎時時接宴遊

次韻楊立之十一官府館二篇

固無政術効前賢  
又乏詩名繼樂天  
連歲出藩居善地

何時負郭有良田回風已隔三山路講德難偕四子篇

滿目勝遊都未到且將圖畫與人傳

予到郡值災歎涉五月尚未暇遊山

楚客登臨悲素秋感時風物自颼颼潦收遠水清堪鑑  
雨過羣山翠欲浮月露往來羈旅恨倉箱千萬里民謳  
鬢毛衰颯歡遊少珍重嘉篇寫我憂

次韻楊立之懷舊

秋卷昔觀賓同遊上苑春歸軒今取道共食浙江珍俛  
仰周三紀文章了十人窮通不復問一以付天均

立之慶厯

初與予場屋相遇  
因留館敝居

次韻楊立之贈京

小子方承學初心未見功  
雕蟲徒好賦舞象僅成童  
率爾多慙路師哉遠慕雄  
顓侗如可教丈席冀趨風

和錢塘周寺丞遊南山

兩寺臨湖共一山名傳四五百年間  
臺前康樂翻千葉井上仙翁鍊九還  
挂壁空存游客詠掩關都屬野僧閒  
欣同僚友尋幽趣嵩石雲蘿永日攀

和充弟到郡先寄

雖非祿厚與官尊多幸名都遂出藩訪舊遍遊江北路  
提封連接海西門六年往復頭先白四郡推遷席不溫  
衰病早宜歸畎畝君恩未報自難言

蘓魏公文集卷九

欽定四庫全書

蘓魏公文集卷十

宋 蘓頌 撰

律詩

觀潮三首

海門雙峙隔滄溟  
潮汐翻波勢若傾  
萬疊銀山橫一線  
千搥鼉鼓震重城  
來無源委逢秋盛  
信有盈虧應月生  
今古循環曾不涸  
談天閼辯豈能名

嘗觀七發論濤篇比物侔形恨未妍聲入閭闔家十萬  
勢陵組練甲三千馮夷海若憑深險種魄胥神竟後先  
縱使風波能鼓怒終歸漩澗作澄淵

橫江白浪湧崔嵬應是波神羽衛來陸戰百重馳道遠  
舳艫千里峭帆開緩如積雪飛霜路急似礮崖轉石雷  
惟有東西爭渡者暮還朝往往任相催

次韻和前漳守馬郎中三篇

遊山



西山高下極深幽十里清波一棹遊  
喜逐御風真造適  
徧題僧壁更遲留松間覓徑因窮險  
亭際披雲盡露秋  
却羨官閒無檢束徜徉何異五湖舟

碧波亭感事

華堂直北望雲烟勞遠勤歸此待賢下榻喜逢徐穉至  
登舟常羨李膺仙知君將奉三年最感舊曾歌一夜憐  
紅粉若能留客醉不辭飛盞共陶然

郎中屢話陶尚書  
奉使至此事迹

續觀潮

江皋空濶見東溟兩訊潮隨遠近生夾岸炎天迷雪嶺  
居人晴日駭雷聲客帆朝暮乘風去漁畧東西逐浪行  
盡道波神久恬靜應緣四海正清平

次韻錢塘周寺丞獄空

網疎由世教訟息偶年豐園土無留繫黎氓識變風時  
方還治古今欲訓民中宣布來千里興行自一同吏寧  
嗟畫地書亦簡司空共對承平理惟思盡至公

和究弟遊湖上諸寺二首

叢林四百見州經盡在錢塘舊縣垞十里湖光連北郭  
千尋崑翠遶南屏松間幽徑迎冠蓋竹裏飛泉入戶庭  
勝境無因朝日到羨他禪伯老林扃

湖山不到每馳情與客逢迎暫駐旌鷺嶺飛來詢慧理  
龍宮吟就續延清僧房有竹循門見磴道攀蘿盡日行  
交臂晤言欣得侶上臺專使對仙瀛

韓君著作丘君節  
推皆被命專幹使

事與明州梁況  
之學士同會

和宛弟與梁況之學士同作四絕句

南山到處待揮毫  
逸似凌雲羽翮飄  
好著碧紗籠寺壁  
更將金刻置巖標

右紀況之學士題壁

偶陪嘉約出重闌  
自覺超然隔世塵  
若欲遍遊山下寺  
直須經歲駐征輪

右呈況之常叔立之

湖上歸時暮氣侵  
松香花露拂巾簪  
萬家燈火沙河裏  
月色相和廓暝陰

鄧江東望水連空越嶠明峰幾萬重誰識此行多樂事  
揮毫一曲飲千鍾

右二首並和況之元韻

次韻究弟忠懿王祠

五君相繼擅吳方坐視羣雄取亂亡侍子奔馳先入貢  
隣邦旅拒獨勤王豈惟佛刹傳遺像自有孫謀襲懿芳  
應似竇融歸漢日功名累世到瓌章

漳州知郡郎中見示旅次感事輒次元韻

江干邂逅再經旬每挹清風歎絕塵鍊得輕軀同槁木  
養來和氣勝陽春官閒不廢修金訣功滿終須禮玉宸  
自顧衰殘多俗累何時方外去相親

即中留意丹  
術有年矣

次韻簽判同登介亭

紛紛塵事厭煩冥何處能令爽氣生簿領欲迷頭不舉  
烟霞纔望眼偏明門臨滄海千重險地壓高丘一再成  
若論三山方外境須將此地擬浮瀛

次韻和錢穆甫答簽判殿丞臨安道中作

吳越開基舊土疆鑑山仍是種瓜鄉七朝賜履加尊寵  
五世苴茅奉憲章里社依然題畫錦昆雲不絕佩鞶囊  
人懷餘德能封殖猶有當時似蓋桑

武肅起臨安并吳越嗣王歷五代迄

本朝皆加策命故宅為院至今宰未猶有存者

### 次韻葉希虞秘校同遊天竺寺五絕句

蠟屐終朝踐石苔飛鷺不動絕塵埃片雲忽作人間雨  
盡道靈山應禱來

鷺峰何代落山隈每到須清一世埃歎息俗緣常窘束

半年纔得兩回來

山半僧軒四面開  
下看城市一浮埃  
此間真趣誰能辨  
飛鳥空中自往來

叢林澗水盡縈迴  
虛室雲房不染埃  
若使此中容小隱  
會須卜築賦歸來

檻前常有施生臺  
窗隙都無野馬埃  
掩室道人偏得意  
經年未省入城來

和許秘校同遊雨天竺



柳浦重城忝建旃，舊吳星分斗牛墟。  
鷺峰遺跡奇難狀，大士靈光應不虛。  
遊伴偶陪賓結駟，有疏深愧食無魚。  
是日素膳高談終日窮幽賞，俗慮塵襟頓釋除。

和簽判郡圃早梅

綠萼丹跗炫素光，東園先見一枝芳。  
凌晨霜點鉛胡粉，滿檻風飄水麝香。  
味入和羹來傅野，聲隨邊角動漁陽。  
山亭最好通宵賞，微雪相輝映月廊。

和安上弟遊湖山諸寺二首

四百僧居勝沃洲北連高嶺萬松稠似將天下江湖景  
都作雲屏置一州

十里湖山遶四門遊人朝暮隘重闌樓臺遠近連郊郭  
到處皆為水石隣

和稅弟矮松寺留題

曲幹隱騰蛇  
樛枝展翠華  
何年喬嶽種  
移植法王家  
得地烟雲潤  
盤根歲月賒  
縱橫齊殿角  
偃蹇拂簷牙  
數粒宜充釀  
收黃好代茶  
風生驚砌鶴  
日照亂城鴉  
牆仞高

藏節河津暗長茅  
息陰人接席題壁  
字如麻據類眠梧  
隱攀疑搏獸擎宮  
槐低可並譙檜大  
無加雖異明堂柱  
終同象載車殷勤  
與封殖莫使溷塵  
沙

和安上弟雨雪應禱絕句

霰雪為霖近浹旬  
江湖清氣壓冬溫  
應時豈是誠能感  
作物宜同易畫坤

和安上弟雪中登介亭

滴瀝泉池亂藥珠  
悠颺僧壁點蘋蘩  
登高偏見遠山好

萬瓦參差篆玉符

次韻姚倅正月三日遊山道中口占

車馬西郊踏曉光  
城隅一徑遶羊腸  
泉流帶雪添膏脉  
山色逢春變鬱蒼  
雲外樓臺晴挂影  
風前松檜遠飄香

仁祠久禱蒙嘉應  
預慶農疇歲襲祥

是日彥聖  
禱上天竺

次韻禱雪有感

終過元朝欲首春  
條風先度海東門  
寒凝一雨成飛雪  
泰長三陽應上坤  
疵沴漸消和氣滿  
詠歌頻發味言溫

人情共喜年光好不向樽前未易論

次韻晁美叔遊山見寄

已踐修塗到急流暫回俗駕喜同遊名為外物知難必  
學悟無生信若浮

美叔近留心禪觀

騷雅深情追李杜林泉高

興拉巢由遲留更愛靈峰境青桂風來不待秋

奉使還至近畿先寄史院諸同舍

書林輕別紫雲邊

史院在燕殿南

輶傳重行北斗間正類子卿

悲異國不同太史訪名山

次道出相臺正仲子中禱衡廬安中謁告淮浙邦直案刑

京東雖經出入皆有山河之賞與使異域不類也

鞍韉騰踏雙腦重風日煎熬

兩鬢班待得使回繙舊藁只應新例又刊刪

其二

倏忽經冬又涉春年光冉冉暗催人  
要荒一去三千里  
晦朔俄驚十二旬  
絕代方言空問俗  
蓬山直舍已凝塵  
汗青何日成書去  
頭白常慙竊祿頻

和宋次道戊午歲館中曝書畫

鴻都清集秘圖開  
徧閱真仙暨草萊

是日諸公觀畫尤  
愛梁令瓚題吳生

畫五星二十八宿真形又謂淳化豐稔  
村田娶婦圖曲盡田舍佚樂之意態

氣韻最奇知鹿

馬丹青一定見樓臺

韓幹馬東丹王千歲鹿荆  
浩山水屋木皆為精絕

宴觴更

盛華林會坐客咸推大厦才久事簿書拋翰墨文林何

幸許參陪

次韻孫莘老司諫見寄

來詩云聞有修史之命而  
作比至而予出守濠上矣

雖非文史足三冬豈類無心但有胸曾讀丘墳叨典領  
再分符竹荷矜容君恩欲報微螢爝親祿方營苟釜鍾  
平日交情今楚越徒勞瞻望景山松

龍舒太守楊郎中示及諸公題咏洛陽新居見邀  
同作輒依安樂先生首唱元韻繼和

仲長買宅近高山饒得羣芳不費錢地接伊渾宜水竹  
門臨嵩室足雲烟未拋簪組真朝隱更有田園即世仙  
滿篋新詩俱大筆鑿楹留待子孫傳

抱朴子有  
住世神仙

次韻林次中九日都下感事二首

桃李初開已去家又逢蘭菊綻新花感時謾綴茱萸佩  
惜別應憐棠棣華

次中是日別  
雄倅令弟歸

迢遞宦遊來目下悠揚



歸思遶天涯一尊重到平津閣惆悵文窓舊綠紗

登高能賦屬詩家況值嘉辰對菊花乍感商飈流素籥  
故摘鴻藻艷春華邊闕禮命行看至淮海歸期亦有涯  
早晚霜寒侵旅榻又懸複帳換青紗

次韻致政華殿丞懷舊見寄

佩鞶相從四紀前鯉庭論契荷忘年文如潘陸傾江海  
學造重黎絕地天簪紱棄來名已厭鄉閭歸後樂應全  
冥飛尚隱樊籠舊未副初心愧昔賢

天聖中先人宰無錫某生十二年矣

初為舉業與宣卿接陪硯席不以年輩遼隔論議無間  
蒙益尤多一自睽違南北深阻追懷平昔不覺愴然

和孫節推雪

臘催時雪到江涯雲壓寒空凝不飛臺榭風光先有意  
山川秀色遠相輝人懷姑射清難見詩似陽春和者稀  
聞上高樓尋勝賞緬懷嘉尚重依依

又兩絕

江天慘淡物華新四望漫漫起玉塵但怪長衢已盈尺  
豈知閉戶有高人

看雪宜臨廣路津年年光景見長新不知滋液功多少  
且慰東臯首種人

又和十二月十一日雪

臘前寒雨已為霖一夕皚皚變暝陰春圃暗驚花萼早  
客舟偏覺漕渠深都無車馬塵過眼唯有尊壘酒愜心  
共喜時和成美歲預知氛祲不能侵

方公說通直見示與小子京和荅棋詩四篇因次

本韻繼蒙寵惠前後凡十五篇牽強奉荅

思湧如傾潮汐池才高早契聖明知

丞相荆公昔薦才美即時召對擢使

西省中一語開天意江表三年得吏師通舊辱投文舉

刺可人欣對費禕棋更觀麗句貽初學豈謝韓公薦士

詩

衰病常求飲上池藥投堅痞苦難知

某久苦腹癖漢晉方書以服藥應病

為知閒揮綠綺歌三樂靜玩韋編誦九師縱有文章憂瓠

醬劇無機智懶行棋

淮南子云行一棋不足以見智

愛君高唱多才思

揀摘羈懷入小詩

久從閒僻向滄池忽見嘉賓喜可知觸熱正煩思美蔭  
卧疴方苦邁良師欲留盡興時須飲要取忘憂祇有棋  
二者已欣陪造適解頤仍得鼎來詩

和前三篇

其一

孟郊篇什況咸池

唐人題孟郊三百篇為咸池集取退  
之作詩三百篇杳默咸池音之義

夫子文章我所知豈特曹劉同品目固將蘓李是宗師  
語如轉彈逢真賞

事見南史  
王筠傳

喻到鑒兵詫國棋所集若

攜歸闕下諸公應序盛山詩

其二

山公偏愛習家池每出遊時醉不知既見國僑如舊識  
何須阮籍乃吾師亭邊菡萏鋪新錦水際閭閻近布棋  
欲作宣城十日飲留連夢得似敦詩

劉禹錫赴歷陽崔羣在宣城以書招

云不十日  
飲不置予

其三

百雉金城十仞池天聲遐憺遠戎知剖符但報三年政

推轂無勞六月師胡馬逸歸常見畫塞鴻征盡著殘棋  
欲歌盛業賡周雅須假清風吉甫詩

再和三篇

其一

莫歎潛鱗久在池已喧才譽滿朝知雄辭自可吞雲夢

博識應能對仲師

沈約問劉杳曰何承天纂文載張仲師長一丈二寸有何所出杳曰事見王充

論衡榮辱早諳真采選競謙不校古儒棋

後魏游肇製奕法名曰儒棋云

以崇謙止競

使還即見金門召況有中和樂職詩

其二

聞君八法擅臨池  
擲押工夫世少知

陸希聲書法有擲押鉤格抵五法南

唐李後主又增導送二法

學者伏膺虞秘監  
時賢求範永禪師

某舊藏楊

師道帖稱智永書云欲求一二字範之

流傳異日須懸帳  
交質何人敢對

棋  
近世士大夫多以書畫對奕

歛手薑芽柳家樣  
解嘲幾困老劉詩

劉柳相戲絕句見子厚集

其三

兵厨釀酒宅連池

龍堂池在州解東不滿百步

為郡優悠每自知  
鈴



下文移歸幕府案前頗指走籤師

宋齊郡府史有典籤及籤師之名 農

桑課罷聊行樂朱墨閒來好序棋

柳子厚文序棋一篇其格以朱墨書貴賤

為勝

飽食將何報豐祿歌時惟咏阜財詩

公說再和并前十五篇輒復課六章用足前篇之

闕

其一

汪汪雅量若陂池才略縱橫未易知振藻詞場無法敵  
游心藝苑有餘師獨醒繼日長辭酒坐穩閒時但校棋

塞北山河遍登覽吟哦馬上足新詩

其二

皇華幾月案鹽池鉤按從來未有知隱伏無由逃計最  
勤勞長足儼官師事逢錯節皆投刃利析秋毫類算棋  
他日朝廷詢北事講論風俗待陳詩

其三

欲養蛟龍謾鑿池惟應道術兩相知論年校德予慙老  
強識多聞子可師監彼盈虛門若市明于取舍智猶棋

幹時已副寬民詔沈俊休吟詠史詩

其四

封境東連浴日池川源近鹽四方知水官無事延年計  
估客應求范蠡師樓閣嵯峨千里鑑田疇夷坦一枰棋  
追尋燕友南皮會誰繼曹劉七子詩

其五

荷葉田田水滿池東堂真趣幾人知折華暇日尋園吏  
競渡經春習棹師隨分命賓仍授簡不妨問易更看棋

殷仲堪袁尼  
事見世說

歡懷既適從何見事事忘言盡在詩

其六

莫笑凡龜戀澤池不斲剝効前知親逢日月光華旦  
勉慕淵源浸漸師義切仰山勤景行事迷當局戒貪棋  
哀遲猶竊君侯祿深愧曹風伐輻詩

和孫節推寄羅發運

一瓢賢巷僻如山十部文移日滿前輟得閒時常命駕  
和來新什已盈編交遊莫逆心相照出處雖殊道兩全

能使清風激頽俗世情誰得議高堅

又五言

道卷門常靜心閒眼勸開忽聞賓榻掃為喜使車來世  
事浮雲過時光暮雪催放懷何所係卒歲自游哉

元豐己未三院東閣作

十四首

元豐戊午夏予尹京治陳氏獄言者以為推劾  
不盡詔移大理而理官推迹陳氏姻黨干求府  
政縱出重辟事下御史推求己未歲予自濠梁赴

臺訊鞫卒不涉干求之迹而大理反有傳致之  
狀雖蒙辯正聽命久之不得出邑邑不已作詩  
十篇記一時事非欲傳之他人但以示子姪輩  
使知仕宦之艱耳

防人不善自為謀對吏方知口起羞本為追胥寬逮繫

何期僚屬致增尤

初有司欲追太湖縣樂行人以證買藥予以為非切要道遠不追及被坐

獄官歸罪于予

溺灰竟欲焚安國書牘誰將念絳侯惟有丹誠

貫金石風波飄蕩任沈浮

構虛為實盡枝辭直道公心自不欺衆口鑠金雖可畏

三人成虎我猶疑

軍巡官吏指予平日語言中甚有鄙俚之談予亦自疑何至云爾皆為承

之忠邪所賴圓穹鑒通塞須憑大衍推況是聖神方燭

理深究終有辨明時

予方自誣忽蒙辨正

吏議推窮舊話言畏途迢遞冒風濶兩詞罷對文移絕  
一室常眠枕席寒鬱鬱久居人共歎皇皇求義我知難  
誰將美里匡陳事便作閒堂紫極看

平日論心友與親白頭臨事斗如新羶衣難喻疑金客

束縕應無乞火人三省行藏知有命十年流落困無津

物情世態經諳練不假虛詞問大鈞

御史推治平日語言有涉予親友者

移文訊之輒不承又有指為在禁妄引他人見治者而法不當坐

飛語初騰觸細文廷中交構更紛紜綱條既甚秋荼密

枉直何由束矢分御史皆稱素長者

初御史見訊干求之實云知公素長

者同列有屬料不能免予曰無之不能自誣

府徒半識故將軍

院吏洎府史有府中舊輩

多致恭

却憐比戶吳興守詬辱通宵不忍聞

時蘓子瞻自湖守追赴臺

劾嘗為歌詩有非所宜言頗聞鑄詰之語



縱出由來古有誅徇私無實荷寬紓已知公治本非罪  
免似鄒陽更上書刀筆任從文俗議風霜方識憲臺居  
自慚衰拙將何用學術無堪政事疎

名絳臺章冒典刑聖仁無濫許原情尹京雖愧四方則  
廷尉亦非天下平三已自知無愠色一廛歸去願為氓  
君恩天地何由報九死鴻毛比尚輕

推治無期任猛寬苛留累月尚盤桓風霜幾日經推挫  
案牘踰旬未省觀失勢我如魚在網操權吏甚虎而冠

南班小吏猶知禮朝夕時來一問安

院中小吏頓姓者朝夕來就閣中問

否安

秋杪拘留冬欲闌一旬參對累旬閒適逢御史俱釐務

祖宗時不領他局專治臺事近歲三院並無要職故不暇治獄

更值中朝久絕班

獄具御史

求對乃釋適遭國恤久無班次故淹留又踰月矣

壁觀無言休問祖坐忘遺照

且睇顏是非榮辱知難必反覆須臾覺夢間

罷尹一年重置對去家千里涉寒溫青雲交友難傾蓋

白髮慈親正倚門目斷濠梁橫涕泗夢回京口役形魂

寬恩若未投諸裔好奉安輿葺故園

已未九月予赴鞫御史聞子瞻先已被繫予書

居三院東閣而子瞻在知雜南廡才隔一垣不

得通音息因作詩四篇以為異日相遇一喙之

資耳

早年相值浙江邊多見新詩到處傳樓上金蛇驚妙句

卷中腰鼓伏長篇

子瞻觀雨望湖樓壁有電光時掣紫金蛇之句又示予近詩一軸首篇答

鮮于郎中云有如琵琶絃常遭腰鼓開前人未有此意

叱離歲月流如水抑鬱情

懷積似煙今日栢臺相望處隔垣音響莫由宣

詞源遠遠蜀江流風韻琅琅舜廟球擬策進歸中御府

文章傳過帶方州

前年高麗使者過餘杭求市子瞻集以歸

未歸綸閣時稱

滯再換銅符政並優歎惜鍾王行草筆却隨諸吏寫毛頭

源流同是子卿孫公自多才我寡聞謬見推稱丈人行  
應緣舊熟秘書君文章高絕誠難敵聲氣相求久益勤  
莫為歌詩能數昧聖朝終要頌華勲

近年出處略相同十載遄迴我與公  
杭婺隣封遷謫後  
湖濠繼踵繫維中詩人嘯嘯常多難  
儒者悽悽久諱窮  
他日得歸江海去相期來訪蒜山東

蘓魏公文集卷十

欽定四庫全書

蘓魏公文集卷十一

宋 蘇頌 撰

律詩

次韻楊立之見別

梁苑昔傾蓋，膺門嘗贈鞭。  
幾回留客舍，四紀度星躔。  
梁翰頻穿硯，繡書屢絕編。  
文章傳累世，功業慕當年。  
懷寶思求售，趨時輒遽遷。  
遭宋忠徒問，卜孟子本知天。  
得喪時

難必窮通命使然半生淹貢部晚節困乘田事監才非  
稱歌喧性未便畏途嗟坎壈野思憶潺湲解紱無終競  
同袍每共憐老來心更逸歸去樂應全鳳翽翔千仞鯢  
蟠入九淵舊交尤惜別後學欲鑽堅湖嶠新營第河濱  
促放船一經勤教子三徑往鄰賢顧我今耆艾投閒竚  
治甄何時江海工拂榻重相延

次韻教姪書懷

傳家累世奉遺經竊祿清朝足代耕雖是丹心比葵藿



其如黷貌點冠纓時乎易失年加我來者安知畏後生  
戒飭爾曹惟道術逢辰須用佐安平

次韻陽孝本遊翟家灣書院二首又一絕

淮上陂陁百畝岡誰言形勢占高強郊居擬卜東陽宅

屋壁將營闕里堂

予家三聖像將  
龕置於屋壁

四面松篁分種藝百

家圖籍待收藏何人欲課三冬學向此潛心事素王

翟市西傍一徑開偶攜親友陟崔嵬莫言第舍衡門陋  
已有仙翁步屨來日欲銜山迴迤照風還吹雨壓浮埃

纔歸便得詩盈軸氣猛才豪豈易陪

絕句

謾誇三島冠靈鼇咫尺龍岡去靡勞若使南陽人獨卧  
風雲寧隔海山高

次韻陽行先遊招隱

古屋蕭森數十間禪扉幽寂叩常關少微處士遺塵遠  
靈鷲高僧得地閒穿石到池泉滴滴磨崖生蘚字斑斑  
山林真趣誰能辨乘興時來興盡還

又同教姪韻

不見山翁住翠微空傳金刹自前齊  
曉猿夜鶴休驚恐澤雉林鳥自雖啼  
客到上方思寄傲僧攜素板乞留題  
重尋黃鵲飛翔處盡日無人為指迷

次韻楊立之觀韻海

六學先聲病羣書欲備詳  
摛文資引據結字辨偏旁  
篆楷顏毫妙編聯蜀紙光  
殘篇雖脫落猶可挹遺芳

次韻李希荀寄念七姪莊并用前韻和十七姪毅

送其行

初從童州祝千春俄見騫騰祝更頻已喜吏資能可問  
又嘉文筆速如神室堂宜念承先構鄉里須教號善人  
我待兒曹上霄漢便歸林下岸仙巾

里閑相從秋復春矜憐幾類黨頻頻搗詞已識言浮物  
學藝無知義入神

莊姪  
治易

縱使聲名高世俗直須慈惠及

生人吾家自有青氍毹在豈羨林宗墊角巾

送滑道人遊廬山

康王觀裏採芝田  
董奉家邊種杏壇  
雙屨一筇行到處  
應尋巖室養神丹

次韻曾子固舍人上元從駕遊幸

雪霽蓬萊瑞景新  
槐楓迎日麗重宸  
鐘殘長樂千門曉  
輦過章街九陌春  
星列從官齊拱極  
風驅前蹕旋清塵  
一篇未易歌鴻業  
三願還將祝聖人

讀楊文公集

文公名節冠當年  
沒世清風更凜然  
梁父舊廬空德里

西州華屋慟時賢平生奏御三千牘不朽文章二百篇  
瀟灑建溪遺俗在至今弦誦滿山川

王宣徽見示延駐慧海長老詩因次其韻

南禪北祖亦何常足歷微塵自不傷病腦窮雖居一室  
妙緣心已應他方禽魚固欲求棲息鳬鶴寧須較短長  
京府宰官頻問訊且將竿木戲逢場

次韻王正仲蒲傳正二月十五日奉祠高禩二首

視草名臣奉漢祠祝禱才勝長卿遲詩成雅類占宜芾

樂闌欣同夢射罷宮殿肆儀臨百子神明歆德薦三釐  
凌晨拜昨歸天闕杲日煌煌照上枝

滌牢宮醴被禋時物吐華心睡景遲禁掖嘉祥開覆燕

祠官先兆應維罷陽郊類帝重封土

近禮官奏請  
增築祿壇

宣室

思賢正受釐天錫子孫千億報年年玉葉長新枝

留守太尉潞國文公寵示耆年會詩次韻繼和

四登台衮垂三紀

公慶歷丁亥春登  
台迄今三十六年

三鎮神松第二春

會老特過丞相閣開筵仍具大官珍

漢侍臣五日一  
賜大官珍膳追

尋故事圖形在喜遇承平笑語頻叙述須歸大手筆唱

酬俱是兩都賓貴如方岳虞咨牧清比西山晉列真

前韻

私稱不便  
借用此字

盛集古今應未有謾誇靈鷲會中人

和富公十二人中第二人絕句

再遷蟬冕官三事早上龍旂節一雙富貴兩忘心不動

天魔如見亦歸降

和文太尉第一無雙絕句

未遂退休時望繫再煩居守主恩優自緣齒德高羣牧



須在山河最上流

次韻蹇侍郎天元殿門芝草

列聖儲靈貺坤珍應祀儀分葩對年首觀瑞駐華芝毓  
德繇皇始彰功在聖時早聞縈殿棟復見孕門楣自有  
雲成蓋非因水聚脂黃英苞五德古字秀三枝戶牖瞻

丹幄簪裾從蜀綏

乘輿佩綬以青蜀氍

畫圖稽大隗

黃帝受神仙芝圖于大隗

君歌詠入咸池

孟郊詩號咸池集

九廟流光遠千齡復旦期將

書符命志寧比玉靈詩

又次王侍郎韻

禮藉標三瑞靈篇首五芝忽傳神草植高出廟垣楫物  
色甘泉詔形容繆襲辭敷榮連刻桷滋液本華池運應  
承平旦辰臨孟夏時階蓂符厯數豐芑協聲詩尊祖誠  
斯洽稱觴禮所宜共知天輔德萬葉固皇枝

又次中書蔡相公韻

彼美三華瑞儲靈四大宮色分嵩谷外

抱朴子六黃芝生嵩山山谷中

地近漢房中玉質榮同本蓮莖出並叢載形非博厚錫

羨自穹窿列賀馳文鳥旁觀眩秀瞳

道書云仙人方瞳秀朗中規綠筋

珍符彰聖孝天應甚昭融

又和蹇侍郎七言四韻

金支燦燦映宣宮致福誠由上德崇九廟靈光流自遠  
七明嘉種感潛通瑞圖丹采終難狀藥譜神功未易通  
更覽諸公賡和句方知漢祀曲非工

開府潞公太師得謝西歸謹賦七言四韻詩五首

拜送

幾夕華星動紫躔少微光入太微垣帝臨便座延公衮  
人喜安車到國門懇叙官儀還漢節親承需宴酌堯樽  
朝家貴老超三代惇史行看記善言

聖代登庸年獨少清時得謝齒尤高

國朝以來惟公四十三入相呂宮師

雖同而拜不在正月近年張太傅陳官師致仕年最高亦未及七十九

官如中令躬無疾

文似司空思不勞

趙中令雖以太傅歸第時已卧疾李司空素病心悸發輒彌歲自謂久任

文字職勞役思慮而致是耳皆不及公之壽康

玉座紫經涓對日金壺加禮賜

春醪

公初至都門詔生餽外別賜御酒仍宣諭選擇剛日與公相見

祝公倍享靈椿算

長副吾君序燕毛

官崇真是帝王師八十歸休亦未遲不似孔光辭位日  
早於姜望出封時儀形昔已圖麟閣藁草今應集鳳池  
鄭畋集號鳳池藁草其問多是措置軍國大事故府諸僚終有愧甘陵猶欠紀  
功碑

君臣一德千齡際柱石三朝四紀中天下重輕常繫望  
膝前謀議不言功位高少有名無美體健方知福更隆  
謾道汾陽貴且壽若論勲考亦慙公

久持邦柄擅斯文却掃丘園脫世紛已用三篇作霖雨  
回看萬事似浮雲何須榮戟榮歸路自有旂常載舊勲  
欲別延英猶造膝老臣雖去不忘君

三月二日奉詔赴西園曲宴席上賦呈致政開府

太師三首

幅巾私第已歸休當宁虛懷更款留避寵雖辭持節冊  
送行猶用濟川舟城南舊圃花洞洛下新莊引御溝  
詔諭兩京居密邇不妨乘興往還遊

邦人欽佇見儀刑詔使相望對寵靈位冠三公師尚父  
劉向云師之尚之父  
之故謂之師尚父躬全五福壽康寧久留行色春過

半乍別天顏涕欲零誰識上心優老意從行仍許鯉趨  
庭

昔美都門祖二疏太冲篇咏貴良圖不聞賓主俱公鼎  
未見篇章出寶跗河岳英靈添賦詠都人士女競歡娛  
皆言元老歸休盛恩禮便蕃自古無

次韻開府太師留別諸公

經濟才謨沛有餘  
幡然高謝意何如  
青雲路盡尋歸鞅  
綠野堂成憶舊廬  
漢苑宴遊聯魏丙  
鄴都賓客記應徐  
某頃年奉使過北都伏蒙留連累日早來請見亦嘗語及  
他時若到城南第  
入副宸  
衷對綺疎

次韻宋次道慶黃安中李邦直二舍人皆自史院  
拜命

右垣更直寵新班  
便坐通名聽別宣  
詞訓已高長慶代  
事權不下永明年  
除官草罷諸蕃制  
執簡研餘萬歲煙



史官例賜墨皆廷珪父子所製  
其法煤用黟縣萬歲古松煙

曾向蘭臺陪筆削喜聞

嚴近擢班遷

和王禹玉相公三月十八日皇子侍宴長句三首

紫雲樓外擁天香初見前星帝座旁  
庭樂聲長歌燕翼朝簪色喜動明光  
仙中縹緲尊三弁環帶玲瓏襲九章

遙聽相君稱賀語心傾堯日薦霞觴

是日公就班中口占致賀辭語

又

從臣環極宴披香

唐高宗嘗宴近臣于披香殿

帝子趨庭揖在旁

皇子

侍宴初至位恩旨  
令揖左右臣僚

日御舒長延晝景星輝明潤照天光

沉沉殿幄三雲邃簇簇宮花五采章四曲漢歌齊祝聖

東漢有日重光月重輪星  
重暉海重潤歌曲凡四解九賓周衛盡班觴

又

奉宸班近殿中香

香案隸殿中省

人在金鑾日月旁

瀛州有金鑾觀刻火

齊水精為日月常  
有風雲在日月旁

魚藻君臣同愷樂露蕭遐邇荷龍光

已聞幼海歌重潤更得清風誦十章

三省樞密皆再和凡十篇

嘉會

古今應罕遇未饒西母白雲觴

穆天子觴于瑤池  
西王母歌白雪謠

次韻子瞻鎖院賜酒燭

暮召從容對浴堂歸來院吏寫宣忙  
郢醪獨賜尊常滿龍燭初然淚有香  
起草才多封卷速把麻人衆引聲長  
百官班裏聽恩制爭誦雄文出未央

次韻孔平仲學士詳定次口占

多士盈廷待指南老枚何幸接徐嚴  
子亭覆實參高議時引清風拂畫簷

次韻孔學士密雲龍茶

精芽巧製自元豐漠漠飛雲繞戲龍北焙新成圓月樣  
內廷初啓絳囊封先春入貢來千里中使傳宣下九重  
自省何功蒙上賜青蒿應為倚長松

再次韻

上尊百倍勝新豐御茗珍無大小龍頒賚併蒙中使降  
捧持猶見守臣封露芽輕嫩研香馥雲朶纖濃印跡重  
拜賜頻繁何以報惟堅名節比寒松

送周尹郎中守梓潼

曾攜佳句使淮隅離合差池二紀餘旋見豸冠三院貴  
晚陪丹地一臺居涪城又領銅魚契錦里先馳駟馬車  
況是論年俱老矣送君因復動歸與

王都尉示及呂丞相柳溪圖詩見邀同作走筆奉

呈

愛君圖寫柳溪遊想像濠梁問子休

正觀公私畫錄有射雉濠梁圖

漁

釣每懷班嗣壑煙波疑在志和舟

張志和自號煙波子作漁歌詩

清時

未易忘軒冕大隱何妨傲葛裘應笑龍鍾老朝士飛翔

高下似輕鷗

和題李公麟陽關圖二首

渭城悽咽不堪聽  
曾送征人萬里行  
今日玉關長不閉  
誰將舊曲變新聲

三尺冰紉一絕詩  
翩翩車馬送行時  
尊前懷古閒開卷  
見盡關山遠別離

次韻韓康公對雨即事有懷五弟

燕閒誰伴泛金焦  
注想鵲原望泐寥  
接客後堂聊造適

偃藩臨汝正逍遙齊名孟季須爰立一致夷岬異反招  
筆札文章俱第一風流今不數三蕭

次韻韓康公和曾令綽范景仁喜五弟改知汝海  
見寄之什

許汝相望畫戟深裴劉賡唱遞簫箏兩忘出處俱安節

不得親踈共照心幕府尚傳詩寡和

持國嘉祐中自史館告歸潁川與晏

公唱酬甚多

士林重誦斗攸斟

景仁省試令復議詞賦

北斗賦天下傳誦賦士子爭求其本

追思五紀詞場舊何日逢迎更盍簪

景祐慶厯間某與四公前後同場屋

至今五十餘年矣雖出處有異而  
老拙粗爾時得問訊亦云幸矣

次韻李公擇送新賜龍團與黃學士三絕句

紅旗筠籠過銀臺赤印囊封貢茗來社後三旬頒近列  
須知郵置疾奔雷

黃金芽嫩先春發紫碧團芳出焙來聞說採時爭節候  
喊山聲動甚驚雷

團團龍鏡未磨開馥馥新香滿座來試酌靈泉看饒沫

見丁公  
茶錄

猶疑盞底有風雷



次韻李公擇謝黃學士惠文潞公所送密雲小團

一絕

小團品外衆茶魁

杜牧詩云茶稱瑞草魁

宅相分從宰相來

魯直公擇

之甥

南省同僚得傳玩朶頤終日味山雷

諸公和雷字韻茶詩四絕句外復有繼作輒續二

篇

團膏纔就貢綱催度嶺踰江萬里來共看雲甌輕攪雪

還如春架動研雷

見李邕詩

數杯茗飲沃羈懷消盡醒醲與氣來若使伯倫知此味  
寧誇酒後不聞雷

承示黃君詩再和韻

先春百品避東回

兩溪名龍  
茶所出

曾按茶經較勝來除却黃

家雙井白其餘布鼓敢爭雷

昨日納還公擇詩卷相次復示三篇不獨說茶曲

盡其妙加以敏捷不易追攀輒罄鄙言聊答嘉

貺


近聞朝客建溪回說得茶園次第來何事社前先厥篚

只緣春晚尚無雷

今歲驚蟄差晚無復晴  
露芽不暴長最為精妙

昔年叨預通閨籍曾得紅囊貢茗來今日中臺重受賜  
回頭已度十春雷

吟君三絕重徘徊不復言詩為鼎來詠到茶中精絕處  
猶如筆下役風雷



蘓魏公文集卷十一